

蘭駢館日記
光緒十九年癸巳下

澗

于

日

記

蘭駢館日記 癸巳三

八月初二日晴

閱庭立祀國東南渡四大將郭岳偉矣張俊劉光世何以並稱曰
嘉俊無足道劉乃劉錡非光世也宋史俊傳亡明而傳論以
為光世此史臣之誤吾謂南渡四將郭岳為當數劉錡矣
玠許周生云開禧二年史官重叙上南渡四將傳劉錡岳飛李
顯忠魏勝皆不能遂其志貴恨以終者論業四將之說本
舊說據章穎所上傳為是次則俊傳高宗上以俊勝於世步
集舍當時說而別有優劣則史論非事實也

初二日婿

至敘卿慶略談夜陳劬吾遂荆州惟彦寄實夫書

近刻三國志證聞一書錢儀吉撰劉封傳本羅侯寇氏之子引趙一清

云羅侯地名也水經注云湏水西過長沙羅縣西羅子目枝江徙此世猶

謂之羅侯城按此說地也封傳蓋誤與封書曰以下之才棄身求

東繼嗣宋侯本為皆親也又云若足下翻然內向非但古僕為倫受

三百戶封繼統霸國而已當更割符大邦為始封之君是羅侯乃

其父封爵非地名也

初三日晴

馬植軒回里過談趙著衫遣其從子恩折來以曹賓及先

生小像索題

名鈞澹庵先生之子

初四日晴

魏世汧來知梁山予謚並言朝陽之亂蒙教欺民於先而
賊兵劫民於後迭受四害于遺可哀

筆叢春秋繁露十七卷自宋以來咸以為疑劉氏七略春秋類惟公

羊詒秋十六篇絕無繁露之目隋經籍志始有之或以為即公羊

注秋十六篇非也余讀漢藝文志儒家有仲舒百二十三篇東漢不

可考隋志特繁費二十七篇今讀其書為春秋數者僅三十四五
意以八十二篇三及即漢志儒家百二十篇本京而後章次殘缺好事
因以公羊治獄十六篇合於以書又妄取班氏所記繁費之稱繫之而
儒家之董子世遂無知者後人既不察百二十篇所以又不深究八十二
篇所從出徒紛之聚以篇目間故咸失之當析其論春秋者復
其名曰董子可也佩綸頗疑其說因取繁費攷之自第二至十七皆
說春秋較漢志公羊治獄多一篇而滅國分為上下實止十六篇也此
十六篇即公羊治獄無疑自十八篇離舍根至三十二篇天地施十五篇
其中及春秋者如三伐改制質文如魯國如仁義法如親德如本本如

深察若辨水郊義水郊祭水順命問亦聞發春秋然旁徵博引與
前十七篇微異案漢書董傳仲舒所著皆明經術之意及上疏條
教凡百二十三篇而說春秋事曰忠曰孝曰仁曰義曰禮曰智曰信
復教十篇十條萬言皆傳於世撥正切當世施於廷者者千篇
所謂教十篇即志三十三篇百三十三篇即志三十三篇雖此
間五六篇而以漢書三策及五行志所載補之與玉函所輯春
秋決事之類仲舒而書大意具存近凌曙作春秋繁露非不
詳密而於篇目離合之故不置二詞與孔氏公羊通義陳氏公羊
疏全以繁露為本而不知繁露即公羊說故宋相說而詳識之

初五日晴

寄九弟書呂定之前輩米

太史公牛馬走有解作先馬走者其說頗是越語曰踐身親
夫差前馬師非子云為吳王洗馬淮南子云為吳王先馬走乃
馬前引導之人漢書百官表太子太傅少傅屬官有先馬張
晏曰先馬負主人

晉書顧眾虞潭傳贊顧眾面金虞惟赤箭銑質無改筠心不變
顧榮傳榮言陸士先貞正清貴金玉其質甘李思忠款盡誠膽幹殊
快殷慶元質略明規文武可施用榮族允公讓明亮守節困不

易操會稽楊彥明謝行言皆服膺儒教是為公望賀生沈潛青
雲之士陶恭兄弟才幹雖少實事樞佐凡以諸人皆南金也薛兼傳
少與同郡紀瞻廣陵閔鴻吳郡顧榮會稽賀循齊名號為五侯初
入洛司空張華見而奇之曰皆南金也史臣云顧紀賀薛等並南
金東箭世胄高明何一時品藻均以南金東箭為許不可解也東箭
本北魏答虞翻書云延陵之理米觀吾子之治易乃知東南之美非徒
會稽之竹箭也潭本翻孫眾之常族今但知潭眾為金箭不知虞
有兩世奉箭顧有三人南金止一時之品題以此是皆以謂人執史柄
故複皆可譏耳

初六日晴

為陳亮及志姪改趙忠論各一篇

王祥傳母常欲生魚時天寒水凍祥解衣將冰求之冰忽自解雙
魚躍出持之而歸王延傳母氏嘗感冬思生魚勸延求而不獲扶之
流血延尋泔中凌而哭忽有一魚五尺踊出水上延取以進母食之積
日不盡而孝子伯雅王伯冰利曰魚事相類嵇從傳從之行也侍中秦
準謂曰今日而難卿有佳馬否然正色曰大駕親征以正伐逆理必有征無
戰若使皇輿失守臣節有在駿馬何為問者莫不歎息十壹傳靈司
馬任台勸靈宜畜良馬以備不虞靈笑曰以順逆論之理無不濟若乃

一不並豈須馬哉而忠臣不畜改馬車又相類

初七日晴

似南中桂花蒸

張賓傳附石勒載記後賓平勒流涕願左右曰天欲不成吾事耶何
奪吾右侯之早也程遐代為右長史勒每占遐議有所不合輒歎曰
右侯舍我主令我與此輩共事豈非酷乎因流涕終日及考載記
清河張披為程遐長史遐甚委昵之張賓舉為別駕引參政事
遐疾披主已又忌賓之樣威勒世子宏巾遐之甥也自以有援故
咸重於宏乃使宏之母潛之曰張披與張賓為將俠門客日百好
無物在皆歸之非社稷之利也宜除披以便國家勒然之至是披取
急在不時至因以遂殺之賓知遐之圖已遂不敢請未幾以遐為右

長史總執臣位自是朝臣莫不震懼赴于程氏矣觀此則勒殺張
披之疑賓以憂死身豈賓死而又悔之耶方之符堅之於王猛
勒為不徒矣

勒時嘗鄴宮時大雨霖中山西北暴水漲漂巨木百餘万根集于
堂陽勒大悅謂公卿曰諸卿知不以此為災也天意欲吾營鄴
都耳前在襄國勒下令曰今年水出巨材所在山積將天欲孤僕
修宮宇也其擬洛陽之太極起建法殿遷程車中郎任法卿
使工匠五千采木以供之何石氏屢有漂木之異既云所在山積仍
頃歲徒采木其詐安明矣

初八晴

李搏霄來贈畫扇兩把乃其夫人繆珊公所繪也天津知府鄒振岳平得廉生邯鄲道上書

夜眠不能成寐

淵子自記
卷五下
于艸堂石影

初九日微雨

復安圖書並諭滄見以復蔚廷書云士周

泚子日記

泚子日記